



## შპს მარნეულის საზოგადოებრივი კოლეჯი

პროფესიულ სტუდენტთა/მსმენელთა ადაპტაციისა

და

სოციალიზაციის მექანიზმები,

მათი უფლებისა და კანონიერი ინტერესების დაცვა,

სტუდენტური სერვისები



მარნეულის

2023

შპს მარნეულის საზოგადოებრივი კოლეჯის (შემდგომში - კოლეჯი) წინამდებარე დოკუმენტში გაწერილია პროფესიულ სტუდენტთა/მსმენელთა ადაპტაციისა და სოციალიზაციის მექანიზმები, მათი უფლებისა და კანონიერი ინტერესების დაცვა და კოლეჯში არსებული სტუდენტური სერვისები

### **პროფესიული სტუდენტი, მისი უფლებები და მოვალეობები**

1. პროფესიული სტუდენტი არის პირი, რომელიც სწავლობს პროფესიულ საგანმანათლებლო პროგრამაზე ან მოკლე ციკლის საგანმანათლებლო პროგრამაზე;
2. პროფესიულ სტუდენტს უფლება აქვს მიიღოს:
  - ა) ხარისხიანი განათლება;
  - ბ) მოსთხოვოს კოლეჯის ადმინისტრაციას კანონმდებლობით, კოლეჯის შიდა მარეგულირებელი აქტებით, პროფესიულ სტუდენტთან დადებული სასწავლო ხელშეკრულებითა და პროფესიული საგანმანათლებლო პროგრამით განსაზღვრული ვალდებულებების შესრულება;
  - გ) ისარგებლოს კოლეჯის მატერიალურ-ტექნიკური ბაზით, ბიბლიოთეკით, საინფორმაციო და სხვა სასწავლო რესურსებით;
  - დ) საკუთარი ინტერესების შესაბამისად თავისუფლად დააფუძნოს პროფესიული და სხვა სტუდენტური ორგანიზაციები ან ასეთის არსებობის შემთხვევაში გაერთიანდეს მათში;
  - ე) თავისუფლად გამოხატოს საკუთარი აზრი;
  - ვ) მიიღოს ამომწურავი ინფორმაცია კოლეჯის ადმინისტრაციისგან მისთვის საჭირო ან საინტერესო საკითხების შესახებ.
  - ზ) დაცული იყოს რასობრივი, ეროვნული, რელიგიური და სხვა ნიშნით დისკრიმინაციისაგან ან/და შეურაცხყოფისგან;
  - თ) წერილობით გაასაჩივროს პროფესიული განათლების მასწავლებლის, კოლეჯის ადმინისტრაციული პერსონალის ან სხვა პროფესიული სტუდენტის არამართლზომიერი ქმედება მის მიმართ; პროფესიული სტუდენტის ზემოაღნიშნული საჩივარი წარედგინება კოლეჯის დირექტორს;
  - ი) სასამართლოში გაასაჩივროს კოლეჯის მიერ მის მიმართ მიღებული გადაწყვეტილება;
  - კ) საჭიროების შემთხვევაში მონაწილეობა მიიღოს ინდივიდუალური სასწავლო გეგმის შემუშავებაში;
  - ლ) მიიღოს მონაწილეობა მასწავლებლის მიერ ჩატარებული ლექცია-სემინარის ხარისხის და სასწავლო პროგრამის, მოდულის შეფასებაში.
  - მ) განახორციელოს მისთვის საქართველოს მოქმედი კანონმდებლობითა და კოლეჯის სამართლებრივი რეგულაციებით მინიჭებული სხვა უფლებამოსილებები.
3. პროფესიული სტუდენტი ვალდებულია:
  - ა) შეასრულოს კოლეჯთან დადებული სასწავლო ხელშეკრულების პირობები;
  - ბ) დაიცვას ეთიკის კოდექსით, შინაგანაწესით, წინამდებარე წესით, კოლეჯის სხვა შიდა სამართლებრივი რეგულაციებითა და საქართველოს მოქმედი კანონმდებლობით გათვალისწინებული მოთხოვნები.
  - გ) შეასრულოს პროფესიული საგანმანათლებლო პროგრამით დადგენილი მოთხოვნები;

- დ) პატივი სცეს კოლეჯში დასაქმებულ პირთა და სხვა პროფესიულ სტუდენტთა უფლებებს და კანონით დაცულ ინტერესებს;
- ე) გაუფრთხილდეს და არ დააზიანოს კოლეჯის ინფრასტრუქტურა, მატერიალურ-ტექნიკურ რესურსი, გამოიყენოს ის დანიშნულებისამებრ;
- ვ) დაიცვას საავტორო უფლებები და არ დაუშვას პლაგიატი;
- ზ) მონაწილეობა მიიღოს შუალედურ შეფასებაში;
- თ) არ მოახდინოს ალკოჰოლური სასმელის, თამბაქოსა და საქართველოს კანონმდებლობით აკრძალული სხვა ნივთიერებების რეალიზაცია, რეკლამირება/პროპაგანდა ან/და მოხმარება კოლეჯის შენობა-ნაგებობასა და მის საკუთრებაში არსებულ ტერიტორიაზე. თამბაქოს მოხმარება დასაშვებია შინაგანაწესის შესაბამისად კოლეჯის დირექტორის მიერ განსაზღვრულ სპეციალურ ადგილას;
- ი) არ გამოცხადდეს კოლეჯში არაფხიზელ მდგომარეობაში;
- კ) არ ატაროს და არ გამოიყენოს ცეცხლსასროლი იარაღი, ფეთქებადი ნივთიერება ან ცივი იარაღი კოლეჯის ტერიტორიაზე;
- ლ) არ ითამაშოს აზარტული თამაშები კოლეჯის ტერიტორიაზე;
- მ) არ გამოიყენოს მობილური ტელეფონი სასწავლო პროცესის მიმდინარეობისას (აუდიტორიებში, საქართველოს პრაქტიკის ლაბორატორიებში);
- ნ) ხელი არ შეუშალოს სასწავლო პროცესის მიმდინარეობას.
- ო) მისი მხრიდან ადგილი არ ჰქონდეს ძალადობის, შეურაცხყოფისა და ცილისწამების ფაქტს პროფესიული სტუდენტების და კოლეჯის პერსონალის მიმართ;
4. პროფესიული სტუდენტის უფლებები და ვალდებულებები, რომლებიც არ არის გათვალისწინებული წინამდებარე მუხლით, რეგულირდება მოქმედი კანონმდებლობისა და კოლეჯის სხვა მარეგულირებელი აქტების შესაბამისად.

### **ფორმალური განათლების ფარგლებში მიღწეული სწავლის შედეგების აღიარება**

1. ფორმალური განათლების ფარგლებში მიღწეული სწავლის შედეგების აღიარების მიზანია მთელი სიცოცხლის განმავლობაში სწავლის ხელშეწყობა, რაც გამოიხატება სახელმწიფოს მიერ აღიარებული სერტიფიკატით, უმაღლესი ან პროფესიული განათლების დამადასტურებელი სახელმწიფო დოკუმენტით – დიპლომით ან ზოგადი განათლების დამადასტურებელი სახელმწიფო დოკუმენტით დადასტურებული სწავლის შედეგების აღიარებით პროფესიული საგანმანათლებლო პროგრამის მიზნებისათვის.
2. ფორმალური განათლების აღიარების მსურველი განცხადებით მიმართავს პროფესიული კოლეჯის დირექტორს.
3. ფორმალური განათლების აღიარება დასაშვებია, თუ:
  - ა) საგანმანათლებლო პროგრამით გათვალისწინებული და მიღწეული სწავლის შედეგები ერთნაირადაა ფორმულირებული ან ფორმულირებაში არსებობს მცირედი განსხვავება, რომელიც გამოწვეულია ენობრივი თავისებურებით ან/და სწავლის შედეგების განსხვავებული სტრუქტურირებით და ხელს არ უშლის მათ იდენტურად მიჩნევას. ამასთან, სწავლის შედეგები ეროვნული კვალიფიკაციების ჩარჩოს შესაბამისი დონის აღმწერის გათვალისწინებით ერთმანეთთან თავსებადია;
  - ბ) მიღწეული სწავლის შედეგები ეროვნული კვალიფიკაციების ჩარჩოს შესაბამისი დონის აღმწერის გათვალისწინებით აღემატება საგანმანათლებლო პროგრამით გათვალისწინებულ სწავლის შედეგებს.
  - გ) ფორმალური განათლების აღიარების მსურველი (შემდგომში – განმცხადებელი) უფლებამოსილია, მოითხოვოს ფორმალური განათლების აღიარება, მხოლოდ მის მიერ

საქართველოს კანონმდებლობით დადგენილი წესით პროფესიული სტუდენტის სტატუსის მოპოვების შემდეგ.

### პროფესიული სტუდენტის სტატუსის შენარჩუნება

1. პროფესიული საგანმანათლებლო პროგრამის ყველა სწავლის შედეგის დადასტურების შემდგომ, პირს უნარჩუნდება პროფესიული სტუდენტის სტატუსი, პირველ საკვალიფიკაციო გამოცდაზე გასვლამდე და კვალიფიკაციის მინიჭებამდე;
2. პირველ საკვალიფიკაციო გამოცდაზე გაუსვლელობის ან საკვალიფიკაციო გამოცდის ვერ ჩაბარების შემთხვევაში, პირს უწყდება პროფესიული სტუდენტის სტატუსი და უნარჩუნდება უფლება გავიდეს საკვალიფიკაციო გამოცდაზე მომდევნო 2 წლის განმავლობაში, შესაბამისი პროფესიული საგანმანათლებლო პროგრამის დამამთავრებელი კურსის პროფესიულ სტუდენტებთან ერთად.

### პროფესიული სტუდენტის სტატუსის შეჩერება

1. პროფესიული სტუდენტის სტატუსის შეჩერება ნიმნავს კოლეჯსა და სტუდენტს შორის უფლება- მოვალეობების შესრულებისგან დროებით განთავისუფლებას
2. პროფესიული სტუდენტის სტატუსის შეჩერების საფუძველია:
  - ა) სტუდენტის/კანონიერი წარმომადგენლის განცხადება;
  - გ) სასამართლოს მიერ გამოტანილი გამამტყუნებელი განაჩენის კანონიერ ძალაში შესვლა, როდესაც განაჩენის აღსრულება უნდა მოხდეს ისეთი ფორმით, რაც შეუთავსებელია სწავლასთან;
  - გ) ავადმყოფობა, ორსულობა და ახალშპბილის მოვლა;
  - დ) სავალდებულო სამხედრო სამსახურში გაწვევა;
  - ე) კოლეჯის შინაგანაწესით განსაზღვრული შემთხვევები და სხვა საფუძვლები.

### პროფესიული სტუდენტის სტატუსის აღდგენა

1. სტატუს შეჩერებული პირი/კანონიერი წარმომადგენელი სტუდენტის სტატუსის აღდგენის მიზნით, განცხადებით მიმართავს კოლეჯის დირექტორს.
2. სტუდენტისათვის სტატუსის აღდგენის თაობაზე გამოიცემა კოლეჯის დირექტორის ბრძანება და შესაბამისი მონაცემები აისახება პროფესიული განათლების მართვის საინფორმაციო სისტემაში ბრძანების ძალაში შესვლიდან 5 სამუშაო დღის ვადაში.
3. პროფესიული სტუდენტის სტატუსის აღდგენა შესაძლებელია სტატუსის შეჩერების საფუძვლის აღმოფხვრის შემთხვევაში იმავე პროფესიული საგანმანათლებლო პროგრამის ფარგლებში.

### პროფესიული სტუდენტის სტატუსის შეწყვეტა

1. პროფესიული სტუდენტის სტატუსის შეწყვეტად განიხილება კოლეჯისა და პროფესიული სტუდენტის უფლება-მოვალეობების შესრულებისგან განთავისუფლება პროფესიული სტუდენტის სტატუსის აღდგენის უფლების გარეშე.
2. პროფესიული სტუდენტის სტატუსის შეწყვეტის საფუძველია:
  - ა) პირადი განცხადება;
  - ბ) პროფესიული საგანმანათლებლო პროგრამის დასრულება მოცემულ საფეხურზე;
  - გ) გარდაცვალება;
  - დ) სწავლის პერიოდში 5 წელზე მეტი ხნის განმავლობაში სტუდენტის სტატუსის შეჩერება;

- ე) კანონიერ ძალაში შესული განაჩენი პროფესიული სტუდენტის მძიმე ან განსაკუთრებით მძიმე დანაშაული ჩადენისათვის სისხლის სამართლის პასუხისმგებაში მიცემის შესახებ, რომელიც ითვალისწინებს 5 წელზე მეტი ვადით თავისუფლების აღკვეთას;
- ვ) პროფესიული საგანმანათლებლო პროგრამით განსაზღვრული მიზნის მიუღწევლობა;
- ზ) პროფესიულ საგანმანათლებლო პროგრამაზე 5 თვის განმავლობაში სწავლის შედეგების 50 % ზე მეტის დაუდასტურებლობა, შეფასების პროცესზე არასაპატიო მიზეზით არ გამოცხადების გამო. (საპატიოდ ითვლება დაუძლეველი ძალით გამოწვეული მიზეზი, ავადმყოფობა, ოჯახური მდგომარეობა)
- თ) პროფესიული საგანმანათლებლო პროგრამით გათვალისწინებული მოდულის „ქართული ენა A2“ სწავლის შედეგის ვერ დადასტურება წინამდებარე წესით დადგენილი პროფესიული სტუდენტის შეფასების წესის შესაბამისად (იგულისხმება განმეორებითი განმსაზღვრელი შეფასება);
- ი) პროფესიული საგანმანათლებლო პროგრამით გათვალისწინებული მოდულის „ქართული ენა B1“ სწავლის შედეგის ვერ დადასტურება წინამდებარე წესით დადგენილი პროფესიული სტუდენტის შეფასების წესის შესაბამისად (იგულისხმება განმეორებითი განმსაზღვრელი შეფასება);
- კ) კოლეჯის შინაგანაწესითა და ამ წესით განსაზღვრული შემთხვევები და სხვა საფუძვლები.

### **პროფესიულ სტუდენტთა ადაპტაცია-სოციალიზაცია**

1. პროფესიულ სტუდენტთა ადაპტაცია-სოციალიზაციაზე პასუხისმგებელი პირია პროფესიულ სტუდენტთა/მსმენელთა მომსახურების, პროფორიენტაციისა და კარიერის დაგეგმვის უზრუნველყოფის მენეჯერი, რომლის ფუნქცია მოვალეობაა:
  - ✓ სწავლის დაწყებისთანავე პროფესიულ სტუდენტებისათვის/მსმენელებისათვის მათი უფლებების/ვალდებულებების, მხარდაჭერის/დახმარების შესაძლებლობის შესახებ ინფორმაციის მიწოდების უზრუნველყოფა.
  - ✓ პროფესიული სტუდენტის/მსმენელის ადაპტაცია და სოციალიზაციის უზრუნველყოფა სასწავლო გარემოსთან;
  - ✓ სწავლის პირველ დღეს კოლეჯში პროფესიული სტუდენტებისათვის/მსმენელებისათვის ინფრასტრუქტურის (სასწავლო აუდიტორიების, ლაბორატორიების, სველი წერტილების) დათვალიერების უზრუნველყოფა;
  - ✓ შეხვედრა და გაცნობა პროგრამის ხელმძღვანელთან და სტრუქტურულ ერთეულებთან;
  - ✓ პროფესიული სტუდენტებისათვის/მსმენელისათვის მათი უფლებები და მოვალეობების გაცნობა;
  - ✓ პროფესიული სტუდენტებისათვის/მსმენელისათვის მათთვის საჭირო კოლეჯში არსებული რეგულაციების გაცნობა.
  - ✓ პროფესიულ სტუდენტთა/მსმენელთა, კურსდამთავრებულთა დასაქმებაზე და კარიერის დაგეგმვაზე ზრუცნა;
  - ✓ პროფესიული სტუდენტების/მსმენელების წახალისებისა (კულტურული, სპორტული, შემეცნებითი და სხვა აქტივობები) და მათი ინიციატივების მხარდაჭერის უზრუნველყოფა.

- ✓ საჭიროების შემთხვევაში პროფესიული სტუდენტებისთვის/მსმენელებისათვის სააპლიკაციო დოკუმენტებთან დაკავშირებით (CV-ს, სამოტივაციო წერილი) რეკომენდაციებისა და დახმარებების გაწევა.
- ✓ საერთაშორისო პროექტებში პროფესიული სტუდენტების/მსმენელების ჩართვის უზრუნველყოფა;
- ✓ პროფესიულ სტუდენტთა მობილობის ხელშეწყობა;

## ინიციატივების მიღება

1. დაწესებულებაში მოქმედებს არაფორმალური აქტივობების წახალისებისა და პროფესიული სტუდენტების ინიციატივების მხარდაჭერის მექანიზმები, რომელთა მიზანია საკვანძო კომპეტენციების ფორმალური საგანმანათლებლო პროცესის მიღმა, ალტერნატიული გზებით გამომუშავების, პროფესიულ სტუდენტზე ორიენტირებული სასწავლო პროცესისა დაა სასწავლო გარემოს განვითარების ხელშეწყობა.
2. პროფესიულ სტუდენტთა ინიციატივის განხილვის პროცედურები:
  - 2.1. პროფესიულმა სტუდენტმა თავისი ინიციატივის შესახებ საპროექტო განაცხადით უნდა მიმართოს პროფესიულ სტუდენტთა/მსმენელთა მომსახურების, პროფორიენტაციისა და კარიერული უზრუნველყოფის მენეჯერს, საპროექტო განაცხადი უნდა მოიცავდეს შესაბამის დასაბუთებასა და პროექტის ბიუჯეტს.
  - 2.2. პროფესიულ სტუდენტთა/მსმენელთა მომსახურების, პროფორიენტაციისა და კარიერული უზრუნველყოფის მენეჯერი განიხილავს და დადებითი შეფასების შემდგომ განსახილველად წარუდგენს კოლეჯის დირექტორს.
  - 2.3. დირექტორისთვის საპროექტო განაცხადის წარგენის შემდეგ დირექტორი 10 სამუშაო დღის განმავლობაში ქმნის კომისიას შემდეგი შემადგენლობით:
    - სასწავლო პროცესის მენეჯერი ;
    - საზოგადოებასთან ურთიერთობის მენეჯერი ;
    - პროფესიულ სტუდენტთა/მსმენელთა მომსახურების;
    - პროფორიენტაციისა და კარიერული უზრუნველყოფის მენეჯერი;
    - ფინანსური მენეჯერი.
3. საპროექტო განაცხადის დაკმაყოფილების/დაუკმაყოფილებლობის შემთხვევაში პროფესიულ პროფესიულ სტუდენტთა/მსმენელთა მომსახურების, პროფორიენტაციისა და კარიერული უზრუნველყოფის მენეჯერი, განაცხადის ავტორს 3 სამუშაო დღის ვადაში ელექტრონულად მიაწოდებს ინფორმაცის აღნიშნულის შესახებ.

## ბიბლიოთეკა

1. კოლეჯის სტრუქტურული ერთეულია ბიბლიოთეკა, რომელიც კოლეჯში სასწავლო საქმიანობის შეუფერხებლად განხორციელების მიზნით ხელს უწყობს პროფესიულ სტუდენტებს/მსმენელებს წიგნადი ფონდითა და ელექტრონული სახით არსებული რესურსებით შეუფერხებლად სარგებლობაში.

- ბიბლიოთეკა ემსახურება ყველას, განურჩევლად ასავისა, იურიდიული, სოციალური, კულტურული, რელიგიური, ეთნიკური და მოქალაქეობრივი სტატუსისა საკუთარი პიროვნული და პროფესიული განვითანრების ხელშეწყობის მიზნით.
- ბიბლიოთეკაში არსებული ინფორმაცია საჯაროა და ხელმისაწვდომია ყველა დაინტერესებული პირისთვის, მას გააჩნია საჭირო ინვენტარით აღჭურვილი სამკითხველო ოთახი.
- ბიბლიოთეკაში განთავსებულია წიგნადი და არაწიგნადი ფონდი - ინფორმაციის აუდიო, ვიდეო და ციფრული ვერსიები.
- ბიბლიოთეკით სარგებლობის უფლება აქვთ ბიბლიოთეკაში გაწევრიანებულ პირებს (შემდგომში მკითხველი). გაწევრიანება ხდება სწავლის მთელი პერიოდის განმავლობაში მხოლოდ ერთხელ და უფასოა.
- პროფესიული სტუდენტი/მსმენელი, რომელიც ერთხელ გაწევრიანდება ბიბლიოთეკაში, რჩება ბიბლიოთეკის წევრად სწავლის მთელი პერიოდის განმავლობაში.
- ბიბლიოთეკაში გაწევრიანება მოქმედებს პროფესიული სტუდენტის/მსმენელის სტატუსის შეჩერება/შეწყვეტამდე;
- ბიბლიოთეკა მუშაობს ორშაბათიდან პარასკევის ჩათვლით 10:00 საათიდან 18:00 საათამდე.

## ექიმი/ექთანი

- ექიმი/ექთანი შესაძლებლობისა და კომპეტენიის ფარგლებში უწევს პირველად სამედიცინო მომსახურებას კოლეჯის წევისმიერ პირს და საჭიროების შემთხვევაში შემდგომ უზრუნველყოფს გადაუდებელი სამედიცინო დახმარების გამოძახებას.
- ექიმი/ექთანი ახდენს შეზღუდული შესაძლებლობების მქონე სტუდენტების/მსმენელების რეგისტრაციას, მათი სამედიცინო ისტორიის შესწავლა, მათთვის პირველადი სამედიცინო დამხარების აღმოჩენისათვის საჭირო მედიკამენტების შესყიდვა;
- აწარმოებს შეზღუდული შესაძლებლობების მქონე სტუდენტების/მსმენელების ოჯახის წევრების საკონტაქტო ინფორმაციის განახლებას, პერიოდულ კონტროლს სწავლის პროცესში;

## მატერიალური და ელექტრონული რესურსები

- პროფესიულ სტუდენტებს/მსმენელებს კოლეჯის მთელ ტერიტორიაზე შეუძლიათ ულიმიტოთ ისარგებლონ უკაბელო ინტერნეტით/WIFI
- კოლეჯში პროფესიული სტუდენტებისათვის/მსმენელებისათვის ხელმისაწვდომია სხვადასხვა საგანმანათლებლო მატერიალური და ელექტრონული რესურსები როგორიცაა: კომპიუტერები, პროექტორები, პრინტერები, ტელევიზორები, წიგნები და პროფესიული საგანმანათლებლო პროგრამით გათვალისწინებული სხვადასხვა რესურსები.

## დირექტორის მოადგილე (სასწავლო დარგში)

- დირექტორის მოადგილე (სასწავლო დარგში) უზრუნველყოფს:

- ა) სასწავლო პროგრამებთან დაკავშირებულ საკითხებზე პროფესიული სტუდენტების/მსმენელების ინდივიდუალური და ჯგუფური საკონსულტაციო მუშაობის ადმინისტრირებას;
- ბ)შეზღუდული შესაძლებლობების მქონე პროფესიული სტუდენტებისათვის/მსმენელებისათვის სწავლის პირობების ხელშეწყობას;
- გ)კოლეჯის ადამიანური, მატერიალური, საინფორმაციო და ფინანსური რესურსების
- სწავლა-სწავლების და პროფესიულ სტუდენტთა/მსმენელთა მიერ სწავლის შედეგების მიღწევის შეფასების პროცესის მონიტორინგს და შეფასებას;
- დ)პროფესიულ სტუდენტთა/მსმენელთა მხარდაჭერი სერვისების დაგეგმვა-განხორციელების ადმინისტრირებას;

## ხარისხის უზრუნველყოფის სამსახური

### 1. ხარისხის უზრუნველყოფის სამსახური აწარმოებს:

- ა)სწავლა-სწავლების და სტუდენტთა/მსმენელთა მიერ სწავლის შედეგების მიღწევის შეფასების პროცესის მონიტორინგსა და შეფასებას;
- ბ)პროფესიული საგანმანათლებლო პროგრამებისა და კოლეჯში მიმდინარე პროცესების შეფასების მიზნით პროფესიულ სტუდენტთა/მსმენელთა,კითხვარების შემუშავებას და გამოკითხვის შედეგების სასწავლო პერსონალთან ერთად გაანალიზების საფუძველზე რეკომენდაციების შემუშავებას;
- გ)კოლეჯის სტუდენტთა უფლებების დაცვის და მხარდაჭერის ღონისძიებების ავტორიზაციის სტანდარტებთან შესაბამისობის მონიტორინგს, შეფასებას და საჭიროების შემთხვევაში შესაბამისი რეკომენდაციების შემუშავებას;

## სასწავლო პროცესის მართვის სამსახური

### 1. სასწავლო პროცესის მართვის სამსახური აწარმოებს:

- ა)დამტკიცებული პროფესიული საგანმანათლებლო პროგრამების/პროფესიული მოზადებისა და პროფესიული გადამზადების პროგრამების საფუძველზე, განსაზღვრულ ვადებში პროფესიულ სტუდენტთა/მსმენელთა მიღწევების და შეფასებების მონიტორინგს.
- ბ)შეფასების შედეგების მიხედვით პროფესიულ სტუდენტთა/მსმენელთა იმ შემადგენლობის განსაზღვრას, რომელიც უნდა გავიდეს განმეორებით შეფასებაზე. გ)პროფესიული საგანმანათლებლო პროგრამის კონკრეტულ საფეხურზე პროფესიული სტუდენტის მიერ სასწავლო პროგრამის ათვისების შემდეგ მისი განათლების აღიარებისა და კვალიფიკაციის მინიჭების საკითხთან დაკავშირებით შესაბამისი წარდგინების განხორციელებას დირექტორის სახელზე.
- დ)პროფესიული სტუდენტების მობილობის პროცესის ორგანიზაციული უზრუნველყოფას;
- ე)სასწავლო სივრცეში პროფესიული სტუდენტის/მსმენელის ინტეგრაციის ხელშეწყობასა და ინსტრუქტაჟს კომპეტენციის შესაბამისად;
- ვ)სპეციალური საგანმანათლებლო საჭიროების მქონე პროფესიული სტუდენტების/ მსმენელების სასწავლო პროცესში ადაპტირების მიზნით განსახორციელებელ ღონისძიებებში მონაწილეობას;

ზ)ინდივიდუალურ სასწავლო გეგმის შედგენას, პროგრამის ხელმძღვანელის, პროფესიული სტუდენტის/მსმენელისა და სხვა დაინტერესებული მხარის ჩართულობით და დირექტორისათვის დასამტკიცებლად წარდგენას.

## ინკლუზიურ პროფესიულ განათლებაში ჩართული ადამიანური რესურსი

1. საჭიროების შემთხვევაში დირექტორის ბრძანებით კოლეჯში მოწვეული იქნება ინკლუზიურ პროფესიულ განათლებაში ჩართული სპეციალისტი – სპეციალური მასწავლებელი/ფსიქოლოგი/ოკუპაციური თერაპევტი/ენისა და მეტყველების სპეციალისტი/ჟესტური ენის თარჯიმანი/ჟესტური ენის სპეციალისტი/სპეციალური საგანმანათლებლო საჭიროების მქონე პირის ასისტენტი.

## თვითმართველობა

1. კოლეჯში ფუნქციონირებს სტუდენტური თვითმმართველობა, რომელიც არის სტუდენტთა ნებაყოფლობითი გაერთიანება და იქმნება საყოველთაო, თანასწორი, პირდაპირი არჩევნების საფუძველზე, ფარული კენჭისყრით;
- დაწვრილების სტრუქტურული ერთეულის ფუნქცია მოვალეობები, სასწავლო პროცესთან დაკავშირებული პროცედურები და სხვა საკითხები გაწერილია შპს მარნეულის საზოგადოებრივი კოლეჯის მარეგულირებელ აქტებში, რომელიც განთავსებულია კოლეჯის ვებ გვერდზე: [msc.edu.ge](http://msc.edu.ge).